

釋宗金書

禪宗全書

史傳部十七

( 17 )

藍吉富 主編

北京圖書館出版社

圖書在版編目 (CIP) 數據

禪宗全書 / 藍吉富主編. - 北京: 北京圖書館出版社,  
2004.12

ISBN 7-5013-2602-9

I. 禪… II. 藍… III. 禪宗 - 文獻 - 匯編 IV. B946.5

中國版本圖書館 CIP 數據核字 (2004) 第 103681 號

責任編輯: 王冠 于浩

封面設計: 許冬麗

ISBN 7-5013-2602-9



本書原名為《禪宗全書》，藍吉富主編，經北京版權代理  
有限責任公司代理，授權北京圖書館出版社獨家出版發行。

書名 禪宗全書 (全 101 冊)

著者 藍吉富 主編

---

出版 北京圖書館出版社 (100034 北京市西城區文津街 7 號)

發行 010-66139745, 66175620, 66126153, 66174391 (傳真),  
66126156 (門市部)

E-Mail cbs@nlc.gov.cn (投稿) btsfxb@nlc.gov.cn (郵購)

Website www.nlcpress.com

印刷 河北三河燕郊古籍印裝廠

開本 880 × 1230 毫米 1/16

印張 4414

版次 2004 年 12 月第 1 版 2004 年 12 月第 1 次印刷

---

書號 ISBN 7-5013-2602-9/B · 108

定價 18000 圓

# 五燈嚴統 解題

編譯組

全書二十五卷。清·費隱通容編。作者鑑於「五燈會元續略」偏重曹洞宗語錄的輯錄，為強調「只有曹洞宗屬於青原系，其它宗派均屬南嶽系」的論點，乃編纂此書，以解明禪門五家法燈相承的系譜。

本書前二十卷的內容大致與「五燈會元」相同，第二十一卷至二十五卷則收錄「五燈會元」之後諸耆宿的列傳，截至南嶽下三十四世報恩通琇、青原下三十六世百文明雪等為止。書中承認天王道悟之存在，將雲門、法眼二宗歸屬於南嶽下，以及認為無明慧經、無異元來等嗣承未詳諸點，一直是禪宗史上爭議的問題。

卷末收有隱元隆琦的「重刊五燈嚴統跋併讚」，此外，另附有編者的「五燈嚴統解惑篇」。

# 目次

解題

五燈嚴統（卷一—卷十五）

序

凡例

原書目錄

卷一（七佛、西天祖師、東土祖師）

毗婆尸佛——慧能大鑿禪師

卷二

牛頭山法融禪師——千歲寶掌和尚

卷三

南嶽懷讓禪師——龐蘊居士

卷四

黃檗希運禪師——長慶道巘禪師

一

五

一五

八〇

一一〇

一六二

二〇一

卷五……………二四〇

青原行思禪師——棗山光仁禪師

卷六……………二七三

大光居誨禪師——孝宗皇帝

卷七……………三〇〇

天王道悟禪師——白兆志圓禪師

卷八……………三四四

南嶽橫龍和尚——隆壽法騫禪師

卷九（滙仰宗）……………三八七

滙山靈祐禪師——興陽詞鐸禪師

卷十（法眼宗）……………四一三

清涼文益禪師——翠巖嗣元禪師

卷十一（臨濟宗）……………四六〇

臨濟義玄禪師——丞相王隨居士

卷十二……………四九五

石霜楚圓禪師——冶父道川禪師

卷十三（曹洞宗）……………五三九

洞山良价禪師——京兆香城和尚

卷十四……………五八五

上藍慶禪師——報恩從倫禪師

卷十五（雲門宗）……………六二九

雲門文偃禪師——天聖守道禪師

五燈嚴統序

治有治統。雖典午奄有朔南。僅足爲漢唐之閭位。道有道統。雖河汾擬經。贊述詎致。奸泆泗之見。知禪有禪統。卽宗分五派。無非紹震旦之初。燈然不面。證一堂。未許稱傳衣之法。嗣乃有承虛接響。偶以私淑。因而暗易。呂贏甚者。竊玉操戈。漫拾唾餘。幾至叛同。楊墨。況定慧妙合。萬變自非。合下領略。何異執火覓燈。而機用指非一端。若第滑突。應承只是搏沙。作飯在吾。儒菽粟倫常。爲周行之路。設有奇趨。詭服不難。竟斥爲異端。在佛門。鉗錘密義。稱法乳之恩。必與別系正名。纔堪親驗。其的血費。隱老和尚受記。天童承先啓後。恕乎其有深思焉。此五燈嚴統之所由訂刻也。余於傳燈諸書。愧未夙習。近承塵拂。微聆緒言。益信西方東土。諸大聖人了無二義。因思宣聖之教。極之至於無聲無臭。可謂精微之至矣。而究竟範圍。以之中庸。若不知此事之甚庸。則索隱索微。總之外道。非中道也。不中庸。不可以爲精微也。佛祖之教。極之至於無量無邊。可謂廣大之至矣。而究竟範圍。以之精

嚴若不知此事之甚嚴。則誦佛謗佛。總之亂統。非正統也。不精嚴。不可以爲廣大也。自茲統出。而翻僞訂訛。析疑傳信。皎如日星。麗而江河。行吾寧。惟仰止其婆心。允服膺。其定識十六字。昌言共拜。而亮工熙績。不必盡列。見知千百。則公案同參。而南嶽青原。未可越參坐位。噫。嚴矣哉。

吉

順治壬辰長至前五日

明賜進士出身正治卿中奉大夫禮部右侍郎兼侍

讀學士掌翰林院事

經筵 日講

制勅撰文纂修 國史侍吳曹勳謹序

五燈嚴統序

專聞宗法之傳。秀門岐路。在所必嚴。秀岐一出。不惟冒借。遂嗣成竊。玉假雞之謬。漸至以誹謗爲機。鋒以糾聘爲棒。喝而正宗。幾希絕矣。不知宗法有源。有委。有支。派嫡。從自六祖。曹溪。後分兩嶽。青原。二派。其源



也。南嶽下臨濟。馮仰法眼雲門。誓青原。下曹洞。爲五宗。其委也。臨濟之有興化楊岐。雲門之有智門雪竇。曹洞之有投子芙蓉。其支流也。下此如圓悟虎丘。天童長蘆。雖猶從有分。其間靈鉢相承。而子若孫。而曾而玄。及數十代。燈傳燄續。如國之史族之譜。帝王賢聖之統緒。孰敢假一人一字。以益家乘名器乎。從來住世善知識。因緣大事。或待參提。然誰爲開宗。誰爲建幢。誰爲傳衣。繼拂。未有不皎如星布指掌可辯者。是宗法間有能不襲文字。而三藏誌名。諸山勒石。以得其派。故耳。否則枝葉紛流。宮牆異立。是必依聲附響。乃克希拈花置鉢之初。惜哉。申韓楊墨之爲孔孟懼信然矣。余嘗讀宗門正名錄。其論雪庭之望宗雲門一案。如利刃截竹。碎見鋒痕。足爲天下後世承虛接響之戒。故書以考訂宗派。爲立說。而三著師承。篇申明大端。其羽翼禪門。功不在禹下。若云無師自悟。此更妄中之妄。何必指狐林兔窟。向盲啞置辯耶。徑山費和尚具大手眼。正五燈絕續之譌。而集嚴統二十五卷。如首序南嶽。細析天皇。凡一切拈香謬妄。

者俱屬彈斥。不獨發學者之所未發。而傳燈世譜。咸得江流。獄峙于上下千古間矣。是願後之學者。讀此書。顧名思議。知身所自出。與身所自承。明示笑投。鍼仍還鷲嶺龍樹之舊。可耳。夫復何贅。皆順治八年辛卯秋八月內。翰林秘書院纂修實錄編修加一級。章或賢薰沐頓首拜撰。

五燈嚴統序

粵自三教行而禪道至今日甚盛矣。然禪統至今日漸淆矣。費隱大禪師有殷憂焉。去秋未赴徑山時。九月既望。自福嚴抵禾。招余同詣雲間館于小崑山房。與士材李居士將舊本五燈推詳授受根究來繇。抉從前之疑竇。訂向後之信傳。光明正大。爲開闢來佛。教流通一大準。則至洞宗如淨以後。非無續刊。然而影承響接。較儒家之魯魚亥豕。竟評唱訓詁之差訛。殊增浩嘆。余三人矢公矢慎。溯源析流。採集五卷。皆百禪師苦心。遍索手錄。成帙者。比時深憂任事無人。募貲乏力。余目擊皆艱。慨焉擔荷。束卷南還。輸金購。

黎鳩工寫。剛旋到金粟與百師。又加蓋。別親爲較。譬朝催暮逼。至春初竣業。而後喜可知也。共前翻刻計二十五卷。總額曰五燈嚴統。茲秋孟徑山老人寄士材序文。至閱之。朗朗揭日足。令售價鼎者。緘口余不諳。且不文竊於命名至意。不能嘿嘿而處於此何也。西竺五印禪脉也。東旦五葉禪宗也。一分爲五。雖百千萬億會歸一元。則正統當敷五。設于一。則建幢立法。漸至不可思議。則閨統當稽況。別戶分門。慮不無短長。簞鼓則合而分。分而合之。統當辨夫。覈也稽也。辨也皆嚴也。嚴與刻相反。而毋縱毋益。刻正所以成其嚴也。余幼習儒。曾選刻歷朝蓋燦明。朝芳掌經書。指略行世。可不負儒長。而從佛未登賢書之籍。先闢密室之名。亦爲選刻。破邪八集。今費老人與百禪師前引後接。左挈右提。事事相扶。心心相印。箇中既通。消息功名。等若浮雲。遂棄公車。猛圖佛乘。所以茲編合掌承當。跂足立就。執鞭從事。以心之所欽。樹天下萬世之防。敢曰有功於禪庶幾不負禪云。

崑

順治辛卯孟秋朔旦武原徐昌治親周父題於大業

堂中

五燈嚴統序

昔我薄伽梵之道統相承也。西天四七東土二三支爲兩派。分爲五宗。宗派彰明。師承的據。曉然起信于當時。確然足徵於後世。是以獅吼滿天下。而僞竊者無聞焉。慨自大法垂秋。人心不古。如續略梓行。未免有潦鹵之誤。蓋觴宗譜甚且機緣無據。姓氏強據。亂千秋之統。開萬禩之訛。若決江河。安所底止。嗟夫。統系圖蓋慧命。等干懸絲。凡有血氣者。咸懷亂雅之傷。矧百癡禪師。以道統爲己任。能無蒿目深憂乎。倘不力起而正之。將胥後學于陰翳之域矣。不獲已而有茲刻之學。徵者惟確筆削。惟嚴親受記。前者方始登之楮墨。承虛接響者靡不付之刪鑿。譬諸九天之上。而日星皎如。萬鏡之中。而燈珠燦爾。奏勸于祖庭者。匪淺鮮也。或者以多事相規則亦未知繼往開來。乃慧脉是係。閑邪顯正。實道統攸關。自無容嘿嘿耳。蓋

軒轅之鏡懸而蚩尤失其威。白澤之圖著而妖狐滅。其影行使掠虛者。慚議法者。懼而百。之初心。不巳。慰耶。計修討是編。炎霜十更。而定本始。竣上自七佛下。迨今。茲凡二十有五卷。庀材鳩工。良非易事。會觀周徐公。香象神駒。法林隆棟。展閱一過。擊節稱善。遂編金前導。而一時檀那。莫不聞風興起。且合簪連茹。已俾多子塔前。六十八傳之統。奕葉昭明。而假符竊命之侶。浣滌淨盡。嗣今而往。在在染旂檀之香。處處開塗毒之鼓。誠別傳一宗。希有盛事也。嘗聞神呵康樂僧。糾奉御威人。非人等。加護之功。固知是刻告成。幽明並寶。未幾將歸之娑竭龍藏。不其與浩劫偕永久哉。

皆

順治庚寅仲冬朔旦雲間李中梓士材父識

五燈嚴統序

原夫拈華垂示。微笑投機。利竿倒却。乃受金襴。教外別傳之道。自此肇興。以及西天四七。東土二三。莫不

以芥觀針。用機入教。道脈於是悠長。且久者良緣。承上啓下。所從來之源。尤見師資道緣之契。而綿遠。豈代多不乏人。不唯聯芳濟美。抑且隆盛繁昌。不勝知日月燈之迭麗。無復間隔。其光明燦奕。所以從上真眼尊宿。猶千嶽萬峰。摩肩輦出。皆各有名言。建立。豈一時彼此圓照。而成宗旨。遂致前後。以有五家並峙。於世然而若子若孫。一皆覲面提持。當陽契悟。乃展轉派衍。長流無昧。其法系所謂正宗正脈。行於天下者。名固正而言亦順。縱萬億世。皆足徵其源流可據也。奈何世久天長。數之盈虧。道之隱顯。其人稍昧。便訛悞相承。魚魯無辯。致令龍潭信德山鑒之下。若干人咸謂出自青原。思石頭遷之派。殊不知龍潭信德山鑒之兒孫多。而尤繁實出馬祖一天王悟的派。親傳如五燈會元第七卷所辯。詳析最明。即人天眼目及佛祖通載二書亦如是。記近閱宗門正名錄。尤乃證如明鏡。凡法門中明眼之人。靡不共知其訛所差。前輩都漠然不將較正。以易其刻。竟成千古一部疑書。終無了日。訛偽自此流下。人法固當考正。蓋此

亦自古禪宗法系所攸關也。然從此飛訛傳悞之後。又復有薦福古因觸發紙上陳言。遂遙繼昔之雲門。偃不止百有餘。譏認爲法嗣之師。所謂不肯別尋師印。乃爲已甚重而爲法甚輕。日居月諸。弊積彌深。遺至今日。復突出非人。不明當機契悟之脈。只徇自己交結之私。蓋膺代付。杳無識法之懼。此固得罪法門。難以枚舉。不亦甚可嗟嘆乎。猶有毫無干涉。冒認向之何宗何人。亦輒自遠紹。乃稱王稱霸。列皆久假不歸。以墮前之薦福古之覆轍。始則一二者爲之。猶有人類生驚訛。今也瀰漫遍地。亂統莫稽。如稻麻竹葦。到處混覆。致滿世間人。皆不知覺。恬不爲怪。不意禪宗一事。重如單絲繫鼎。延到於今。如此濁惡。莫可掬。其淵源於戲借。教外別傳。直指之道。將安寄焉。容也。自機契密雲先師以來。主盟此事。已二十餘春。覽此歷來訛僞。并見斯世混淆。每門應痛。心不能自安。故始一知有宗門中事。便發願欲一展筆。經歷多載。未酬夙志。幸於辛卯秋。承諸精神先生。各具隻眼。共相較正。遂將天皇悟一枝。並子若孫。以屬青原思石。

頭遷之譜。龍潭信德山鑒之下。其子若孫。仍歸馬祖。一天王悟之派。自此宗眼既明。而派謀亦清。又將薦福古之遙繼。列出於未詳法嗣之埒。以及今時墮車覆轍。如續略之書。普謬集訛。肆出當世。悉皆按裁。唯取今昔正宗的派。而當機契悟。親承者。彙輯成帙。題曰五燈嚴統。蓋亦不離一燈。燃出五燈之意。抑亦嚴加勘較。從前相傳道統。不涉紊亂而已。聯舊續新。共二十五卷。然則禪門要典。慧命在斯。以待夫後之賢達。了知單提直指之宗師。承面稟必如是也。昔順治歲次癸巳春。王日。浙江杭州府餘杭縣徑山興聖萬壽禪寺住持傳臨濟正宗第三十一代孫通容。費隱述。

### 五燈嚴統凡例

一從上佛祖相傳。靡不面稟親承。必有源流表信。厥後五宗蔚起。千枝競秀。而師承的據。奕葉昭彰。夫是之謂統也。統屬道脈。收關豈容纖毫假借。自非

攷訂精嚴。將使狐蹤彌布。故夫續筆傳燈。良非眇事。必使當時見信。後世足徵。實在矢公矢慎。名正辭嚴。庶足以禱承。虎接響之魄耳。

一曹溪下二派。首列南嶽。次紀青原。載在會元。炳若日星。近見續略。所以續會元者。反首青原。而次南嶽。豈私尊其所自之祖。而顛倒其所續之書乎。且西天震旦。馬駒兩識。俱主南嶽。而青原無聞焉。卽此亦可以定後先之序矣。

一別傳一著。不落文言。唯是當機契證。親承記削者。方譜傳燈。若去聖時遙。從其語句。觸發者。斷不容以私心。遙續玄策。云威音以後。無師自悟。盡屬天然外道。故永嘉已徹。猶參叩於曹溪。覺範既悟。必受印於眞淨。良以師承之不可已也。如薦福古去雲門。百有餘載。而妄稱其嗣。寂音呵之。近世雪竊信傲。其陋轍亦嗣雲門。是以私意爲師承。而天下後世。將焉據乎斯風。一啓安所底止。吾爲此懼。不得不起而閑之也。故以兩家並列於未詳法嗣。一傳燈錄紀天皇道悟。嗣石頭。悞以龍潭崇信。嗣之。

致謂雲門法眼二宗。出自青原。一時稽叟未詳。千古遂成疑案。今攷丘玄素撰碑。謂天王道悟。嗣馬祖。而龍潭爲之子。又攷符載撰碑。謂天皇道悟。嗣石頭。而慧真接其派。且唐有閒人。歸登著南嶽讓碑。及權德輿馬祖。捨銘各載。天王道悟之名。佛國白續燈錄。亦叙雪竊顯爲馬祖。九世孫佛祖。通載所記亦同。故大川著五燈會元。而定其案曰。以二碑參合。應以天皇嗣石頭。而慧真嗣之。而於馬祖法嗣。下入天王道悟。以崇信嗣之。始爲不差悞矣。嗟乎。久而論定。具眼者自當了然。茲刻據碑改正。匪敢憑臆也。

一是編之輯。祇收實契真傳。而假符者不與焉。近見五燈續略。以普明用嗣。與善廣殊。不知與善。未嘗得法於車溪。而普明何緣得法於與善乎。蓋因車溪逝世。衲衣爲古卓所藏。而卓遂代付於與善。居無何。善故而衣亦不傳。置諸施菴久矣。嗣後普明持衣至金粟。求密老人代付。老人云。與麼則吾宗掃地矣。明復持歸。乃請石雨代證。嗚呼。代付者果

屬作家何不當機面印既非具眼又不知安所取重耶直筆削去爲假竊者懲也

一曹洞宗派考諸世譜止於青原下十六世天童淨耳今閱五燈續略天童淨之後更載一十八世俱有機語不知從何而得及天童僧某直抵寶壽面質乃文其詞曰是皆得之少室殿前碑也夫殿前碑所紀僅有名氏歲月絕無語錄等述祇是誦唱之儔未明本分一著烏容濫冒祖燈耶然天童下至大覺姓氏猶存者以其十八世後有崛起之賢俾曹洞一宗絕而復續則此一十八世雖非宗眼相印實爲世系相承故削其機語以嚴佛法之防姑存其人以紀世系所自爾

一近代尊宿崛起洞宗如壽昌經雲門澄固是明眼作家第壽昌之嗣廩山雲門之嗣大覺似覺未妥廩山從事異教曾自壽昌親聞暨薙髮後未聞參悟也卽大覺亦傳帕之儔耳二老傑出宗匠何曾得法于本師出世拈香僅假名色從上來源全無可據若有可據當時二老必爲拈出何當時無聞

而今日始見耶茲刻於壽昌竟列之未詳法嗣於雲門仍列之大覺派下者其於宗眼固無機契而統裔遞沿猶存譜謀之意云爾至於兩家嫡骨兒孫唯面稟親承者方列于後

一壽昌法嗣僅者博山元來如元鏡元鑑元賢等未承付囑諸方共聞茲刻也原以嚴嚴統系蓋近代濫觴之門何敢私順人情開後來偽竊之寶不輕載筆者蓋慎之也

一是書徵蒐業久彙輯有年會四方多故石匱壁函之秘未遑傾羅緘付篋笥以俟璧合珠聯茲以續略飛訛董狐絕響一回揭幅買生之淚不禁潸然矣用是弗避讐憎嚴加斧正於以明法統之不可或淆而承虛之不可觀幸使天下後世知信史猶在今日其于慧命未必無小補云

附錄天皇道悟禪師碑文

出佛藏通載第十五卷第四葉

荊州城東天皇道悟禪師協律郎符載撰碑其略云姓張氏壽州東陽人十四出家依明州大德祝髮二

十五受戒於杭州竹林寺。初參國一服勤五年。大曆十一年。隱於大梅山。建中初。謁江西馬祖。二年。參石頭。乃大悟。遂隱當陽紫陵山。後於荊南城。東有天皇寺。頃因火廢。僧靈鑑將謀修復。乃曰。苟得悟禪師為化主。必能福我。時江陵尹右僕射裴公。藉首問法。致禮迎至。師素不迎送。客無貴賤。皆坐而揖之。裴愈加敬。石頭之道。殆盛于此。師患背痛。臨終。大衆問疾。師薦召典座。近前。師曰。會麼。對曰。不會。師拈枕子。拋於地上。即便告寂。壽六十。坐三十五夏。法嗣三世。曰惠真。曰幽閒。曰文賁。實元和二年四月十三日也。

附錄 天王道悟禪師碑文

出佛祖通載第十五卷第五葉

元和十三年四月十三日。天王道悟禪師入寂。唐正議大夫戶部侍郎平章事荊南節度使丘玄素撰碑云。道悟。渚宮人。姓崔氏。子玉之後胤也。年十五。依長沙寺曇翥律師出家。二十三。謁嵩山。受戒三十三。參石頭。頻沐指示。曾未投機。次謁忠國師。三十四。與國師侍者。應真南還。謁馬祖。祖曰。識取自心。本來是佛。不屬漸次。不假修持。體自如如。萬德圓滿。師於言下。

大悟祖囑曰。汝若住持。莫離舊處。師蒙旨。已便反荊州。去郭不遠。結草為廬。後因節使顧問。左右申其端緒。節使親臨訪道。見其路隘。車馬難通。極目荒榛。曾未修削。觀茲發怒。令人擒師。拋於水中。旌旆纒歸。乃見遍衙火發。內外紅燄。莫可近之。唯聞空中聲曰。我是天王神。我是天王神。節使回心。設拜烟燄都息。宛然如初。遂往江邊。見師在水。都不濕衣。節使重申懺悔。迎請在衙供養。於府西造寺。額號天王師。常云。快活快活。及臨終時。叫苦苦。又云。閻羅王來取我也。院主問曰。和尚當時被節使拋向水中。神色不動。如今何得恁麼地。師舉枕子云。汝道當時是如今。是院主無對。便入滅。壽八十二。夏六十三。嗣法一人曰。崇信。即龍潭也。更考歷代帝王佛祖稽古卷第三卷第三十四葉。亦是載。故不重錄。

附錄 人天眼目所載覺夢堂重較五家宗派序

皇朝景德間。吳僧道原集傳燈三十卷。自曹溪下別為兩派。一曰南嶽。讓讓出馬大師。一曰青原。思思出石頭。遷自兩派下。又分五宗。馬大師出八十四員。善知識內有百丈。海出黃檗。運大滄佑二人。運下出臨

濟立故號臨濟宗佑下出大仰寂故號鴻仰宗八十  
 四人又有天王悟得龍潭信信得德山鑒得雪  
 峰存存下出雲門宗法眼宗石頭遷出藥山儼天皇  
 悟二人悟下得慧真真得幽閑閑得文貫便絕唯藥  
 山得雲巖巖晟得洞山价价得曹山寂是為曹洞宗  
 今傳燈卻收雲門法眼兩宗歸石頭下誤矣緣同時  
 道悟有兩人一曰江陵城西天王寺道悟者渚宮人  
 崔子玉之後嗣馬祖元和十三年四月十三日化正  
 議大夫丘玄素撰塔銘文幾千言其略云馬祖祝曰  
 他日莫離舊處故還渚宮一曰江陵城東天皇寺道  
 悟婺州東陽人姓張氏嗣石頭元和二年丁亥化協  
 律符載所撰碑二碑所載生緣出處甚詳但緣道原  
 採集傳燈之曰非一一親往討尋不過宛轉托人摺  
 拾而得其差誤可知也自景德至今天下四海以傳  
 燈為據雖列刹據位立宗者不能略加究辨唯丞相  
 無盡居士及呂夏卿二君子每會議宗門中事嘗曰  
 石頭得藥山山得曹洞一宗教理行果言說宛轉且  
 天王道悟下出個周金剛呵風罵雨雖佛祖不敢嬰

其鋒恐自天皇或有差誤寂音尊者亦嘗疑之云道  
 悟似有兩人無盡後於達觀穎處得唐符載所撰天  
 皇道悟塔記又討得丘玄素所作天王道悟塔記實  
 以偏示諸方曰吾嘗疑德山洞山同出石頭下因甚  
 垂手處死活不同今以丘符二記證之朗然明白方  
 知吾擇法驗人之不謬耳寂音曰圭峰答裴相國宗  
 趣狀列馬祖之嗣六人首曰江陵道悟其下注曰象  
 稟徑山今妄以雲門臨濟二宗競者可發一笑略書  
 梗概以傳明達者庶知五家之正派如是而已

附錄雪竇明覺大師語錄後塔銘節略

宋尚書員外郎呂夏卿撰雪竇明覺大師塔銘足二  
 千餘言今節略內數言云禪師諱重顯字隱之大寂  
 九世之孫智門之法嗣也據此明序雪竇係馬祖九  
 世之孫則雲門一宗的出自南嶽派下又與從上諸  
 家所定宗派相合尤見兩枝明著無復議矣

附錄宋覺範洪禪師辨宗派說

出林間錄上卷第十三葉  
 荊州天王寺道悟禪師如傳燈錄所載則曰道悟得  
 法於石頭所居寺曰天皇婺州東陽人姓張氏年十



四歲出家依明州大德披剃年二十五杭州竹林寺  
 受具首謁徑山國一禪師服勤五年大歷中抵鍾陵  
 謁馬大師經二夏乃造石頭元和丁亥四月示寂壽  
 六十臘三十五及達觀禪師所集五家宗派則曰道  
 悟嗣馬祖引唐丘玄素所撰碑文幾千言其略曰師  
 號道悟渚宮人姓崔氏即子玉後胤也年十五於長  
 沙寺禮曇彞律師出家二十三詣嵩山律德得尸羅  
 謁石頭扣寂二年無所契悟乃入長安親忠國師三  
 十四與侍者應真南還謁馬大師大悟於言下祝曰  
 他日莫離舊處故復還渚宮元和十三年戊戌歲四  
 月初示疾十三日歸寂壽八十二臘六十三考其傳  
 正如兩人然玄素所載曰有傳法一人崇信住澧州  
 龍潭南獄讓禪師碑唐聞人歸登撰列法孫數人於  
 後有道悟名圭峰答裴相國宗趣狀列馬祖之嗣六  
 人首曰江陵道悟其下注曰彞稟徑山今妄以雲門  
 臨濟二宗競者可發一笑

附錄宋靈隱大川禪師按傳燈錄考辯兩家宗

派說出五燈會元第  
 七卷第二葉

按景德傳燈錄稱青原下出石頭遷遷下出天皇悟  
 悟下出龍潭信信下出德山鑒鑒下出雪峰存存下  
 出雲門偃玄沙備備再傳為法眼益皆謂雲門法眼  
 二宗來自青原石頭雖二家兒孫亦自謂青原石頭  
 所自出不知其差悞所從來久矣道悟同時有二人  
 一住荆南城西天王寺嗣馬祖一住荆南城東天皇  
 寺嗣石頭其下出龍潭信者乃馬祖下天王道悟非  
 石頭下天皇道悟也何以明之按唐正議大夫戶部  
 侍郎平章事荆南節度使丘玄素所撰天王道悟禪  
 師碑云道悟渚宮人姓崔氏子王之後胤也年十五  
 依長沙寺曇彞律師出家二十三詣嵩山受戒三十  
 參石頭頰沐指示曾未投機次謁忠國師三十四與  
 國師侍者應真南還謁馬祖祖曰識取自心本來是  
 佛不屬漸次不假修持體自如如萬德圓滿師於言  
 下大悟祖囑曰汝若住持莫離舊處師蒙旨已便返  
 荆門去郭不遠結草為廬後因節使顧問左右申其  
 端緒節使親臨訪道見其路隘車馬難通極目荒榛  
 曾未修削觀茲發怒令人擒師拋於水中旌旗纒歸